

КОМСОМОЛОНЬ ВВАЙГЯЛЬ

ШУМБРА УЛЕЗА ЯКСТЕРЬ АРМИЯТЬ XIX-це ГОДОВЩИНАЦ! МИРОНЬ ЧАСОВОИ

Топодсь кемвейксые киза, ко-
да минь родной Якстерь Арми-
яньке ащи вернай часовойкс минь
социалистический родинанькен
арелямаса. Кемвейксые киза, ко-
да минь вожденьке Ленин и Сталин
пуроптозь тя аф сяськовикс могу-
чай Армиять. Якстерь Армиянькен
васень кизонь эряфоц да и нль-
не сонь шачемац ульсь граждан-
ский войнань бойхень эса. Як-
стерь Армияти эрявсь арелямс од
Советский власть сембе внутрен-
ней и иностранной контрреволю-
ционной буржуазиять эзда.

Гражданский войнань кизотнень
эзда минь Армияньке технически
вооружен ульсь калдывста. Ламо-
да аф сатомшка ульсь миньцен
военной специалистонек. Аф ва-
номок ня ою афсатыкснень лангс,
сембе сяка интервентненьди Як-
стерь Армиясь ульсь грозной кш-
нинь стенакс, конац страфтозень
германский, польский интервен-
циянь войскатнень, страфтозень
международной буржуазиять си-
вотф армиятнень — Деникинть,
Колчакть, Юденичть, Врангельть и
лиятнень армияснон. Якстерь Ар-
миясь гражданский войнаса лиссь
сяськикс сяс, мес сон ульсь пу-
роптф рабочайхнень эзда, инь
преданной крестьянствовать эзда,
сяс мес сонь организавандаз и
бойхнень эса вятезь минь вож-
деньке Ленин, Сталин и синь инь
маластонь соратниксна Ворошилов
Буденный, покойникне Орджони-
дз, Фрунзе, Киров, Куйбышев и
лиятне аф кржа путнесть видья.
Гражданский войнать пингста, што-
ба машфтомс советский власть
Троцкайсь и сонь бандац. Троц-
кайсь аф весть йорась йотафтомс
эсь контрреволюционной полити-
канц эряфс, штоба капиталисти-
ческий интервентонди максомс
Россиять. Троцкайсь ЦК-ть инголя
вешеньць, штоба Колчаки кадомс
Уралть. Лиякс мярьгемс Троцкайсь
йорась максомс Колчаки сембе
уральский заводтнень, рудникнень
и машинактнень. Коммунистичес-
кий партиясь Ленинонь, Сталинонь
руководстваснон ала страфтозь
Троцкайть контрреволюционной те-
орияци и соньць Троцкайсь ульсь
валхтф фронтонь руководствать
эзда.

Аньцек аделавсь гражданский
войнась, Якстерь Армияти эрявсь
кемокставомс и арамс зор-
кай часовойкс минь родинанькен
границанзонды. Сембе масторла-
гонь буржуазиясь, хоть граждан-
ский войнаса ульсь шавф, сембе
сяка советский власть мартаизь
мирнда. Синь эрь шине, эрь ча-
стоне анокласть война Советский
власть каршес. Якстерь Арми-
ясь Ленинонь, а сяда меле Стали-
нонь руководстваснон ала эрь ши-
ня кемекснень эсь рядонзон,
эрь шине кась технический воору-
жениясь.

Тяни минь Армияньке вооружан
даф первокласснай техникаса. Эрь

шине касы якстерьармеецнень
командирхнень, политработникнень
технический и политический сода-
ма шисна. Минь Якстерь Армиянь
ке кружаф сембе пядьде заботаса
минь партиянькен, правительст-
ванькен и сембе трудяйхнень
ширьде. Якстерь Армияньке тей-
нек кельгевикс сяс, мес сон ащи
минь эсь эздодонк.

„Минь Якстерь Армиянькен ва-
сеньцен и основной особенностец
ащи сян эса, што сон Армиясь
освобожденной рабочайхнень и
крестьянтнень, сон Армиясь Октяб-
рьский революциять, Армиясь про-
летариатонь диктатураць“ (Сталин.)

Тяни минь Якстерь Армияньке
тяфтама вий, конань коньдыма аш
сембе мирса. Тянь колга кортата-
ма аф аньцек миньць, но тянь
признают капиталистический стра-
нань военной руководителхне.
Минь Армияньке, кона касфтф и
кемекстаф коммунистический пар-
тиять, минь вожденькен Сталинть
и сонь маластонь соратникони
Ворошиловть руководстваснон ала,
любой минутане анок максомс от-
пор сембеньди, кие тяряфты кепо-
демс кяденц минь социалистичес-
кий родинанькен лангс.

Минь комсомольский организа-
циятнень инголе ащи фкя инь
важной задача—тя сембе пядьд
лездомс минь Якстерь Армиянь-
кен ниньга сяда пях кемекста
манцы. Эрявихть кемекстамс Осо-
виахимонь организациятне, коса
од ломаньтнень тонафнемс военной
тевс. Армияв туй эрь од ломаньт
минь должны нинге военной кру-
жокса тонафтомс военной тевети.
Велеса эряви од ломатнень тарг
семс физкультурнай теветс, штоба
касфтомс здоровай, бодрый, вы-
носливай од ломатть, конат эрь
шине улельхть анокт арамс Якстерь
Армиянь рядтненьди минь роди-
нанькен ареляма.

„Советский народть ули мезец арелямс, ули кинди арелямс, ули мезьса арелямс“

Советонь VIII-це Съезда РККА-нь представитель Казаков ялгать речьстонза

Сталинский Конституциять
минь карматама арелямонза
тожытть боевой самолетса,
тожытть танкаса и могучай
артиллерияса.

Сталинский Конституциять
минь карматама арелямонза
цебарьста тонафтф и вооружен-
най пехотаса и лихой конни-
цаса.

Сталинский Конституциять
минь карматама арелямонза
линкорса, крейсера, миноно-
сеца и подводнай лодкаса.

Сембе тя могучай техникась
тийф Сталин ялгать заботаса
и максф странать марта кемя
кяц, надежной минь Якстерь

Армиять якстерьармеецзон,
командиронзон и политработ-
никонзон кяц, конат беззавет-
но преданнайхть Ленинонь—
Сталинонь тевопцы.

Ялгат, Советский народть
ули мезец арелямс, ули кин-
ди арелямс, ули мезьса аре-
лямс.

..Сталинский од Конститу-
циять эса азф, што отчест-
ванеконь арелямац СССР-нь
гражданинень священной дол-
сна.

Величайшай победатьне, ко-
нат сьормадфт Сталинский Кон-
ституцияти аф максехть васт-

са ащема фашистненьди—соци-
ализмать непримиримай вра-
гонзонды. Синь аф лотксихть
мечтать сян колга, штоба ся-
воме Советский модать. Синь
мечтасна—сьолгомс Советский
Союзть. Но, кода кортась эсь
докладсонза Сталин ялгась, тя
синь эздост независит.

Кадк жа содасазь минь вра-
гоньке, што минь странане-
кен всемирно-исторический
завоеваниянза, конат сьормадфт
од Сталинский Конституцияти,
кемоста ванондовихть сембе
минь необъятнай Советский
Союзть народонц несокрушимай
вооруженнай виензон марта.



Сталин ялгась Якстерь Армиять колга

„...Минь Якстерь Армиянькен васеньце и основной
особенностец ащи сян эса, што сон армиясь освобож-
жденной рабочайхнень и крестьянтнень, сон армиясь
Октябрьский революциять, армиясь пролетариатть
диктатураць...“

„...Минь Якстерь Армиянькен омбоце особенностец
ащи сян эса, што сон, минь армияньке, ащи минь
странасонк народтнень йоткса братствань армиякс,
люпштаф народтнень воляс нолдай армиякс, минь
странасонк народтнень свободаснон и независимость-
снон арелямаснон армиякс...“

„Мекпяли Якстерь Армиять колмоце особенностец
ащи сонь интернационализмась духть, интернациона-
лизмась чувстватьнень эса, конатнень марта суваф
сембе минь Якстерь Армияньке...“

(Якстерь Армиять 10-це годовщинастонза Моссоветонь торжественнай
заседанияса Сталин ялгать речьстонза).

КОМСОМОЛСЬ И СТРАНАНЬКОНЬ ОБОРОНАЦ*)

Февраль 23-це шистонза Советский Союзонь трудящие праздновандакшнесазь Рабоче-Крестьянский Якстерь Армиять славнай годовщинац.

19 кизот Рабоче-Крестьянский Якстерь Армиясь грозной стражакс ащи границатненъ лагса, ванфнемок социалистический родинать мирнай трудонц, анок любой пингста аф анычек отразить врагть, но и пиксомс сонъ тоса, коста сон сай.

Якстерьармеецне, командирхне и политработникне железнай наркомть—Советский Союзонь маршалъ К. Е. Ворошиловъ руководстванц ала совершенстваса тонадозь сембеда передовой военной техникать.

Коде пях оцю праздниконди минь странасонк од ломаньтне аноклайхть Якстерь Армиясь службама. Од ломаньтне йорайхть нинге армияв молеждост инголе тонадомс военной тевть основанзон.

Ленинский комсомолсь, лувондомок од ломаньтненъ тя стремлениясон, тиенцы сембеть, штоба минь од ломаньтнеконди улель кода производстваста апак тушендт тонафнемс, занимадакшнемс спортса, тонафнемс военной знаниятненъ.

Пях оцю успеха польовандай советский од ломаньтненъ йоткса массовой авиационнай спортсь. Странасонк работайхть лама аэроклубт. Кеменьт тьожаньт юношат и стирьнат тонадозь синь эздост самолетть, планерть, парашютть, ламоц синь эздост арасть летнай, планернай и парашютнай спортонь инструкторкс.

Тядденъ кизотъ аэроклубтне полукашникхть задания анокламс фкя и пялень крда сяда лама пилотт, планеристт, парашютистт и лия авиационнай специалистт, чем 1936-це кизоня. Тя задачея комсомолги, Осоавиахимовский ор-

(*) Статистонза, кона пятаглави „Юнай коммунист“ журналъ омбоце номерсонза

П. ГОРШЕНИН
ВЛКСМ-нь ЦК-ть секретарец

ганизациятненди и аэроклубтненди ули кода пашкодемс анычек эста, кда синь путсазъ тя тевти сембе эсь вийсон.

Ленинский комсомолсь марса Осоавиахимъ марта фсякай лаца лезды ляцендеманъ искусствать тонадомонза од ломаньтненъ стремлениясонды. Мекольденъ колма кизотненъ пингста аноклаф 14, миллионда лама 1-це ступенень ворошиловский стрелокт, кеменьт тьожаньт 2-це ступенень ворошиловский стрелокт, тьожаньт стрелковай спортонь мастерхт и снайперхт.

Странасонк улихть кеменьт стрелковай клубт и инструкторский кадранъ анокламаса стационарнай школал. Минь од советский стрелоконьке международнай соревнованиятненъ эса аф вестъ няфнезъ эсь мастерствасон изаньцеъ васеньде васттненъ.

Лама ни тийф Советский Союзонь граждантненъ противовоздушной и химический оборонати анокламасот. Ветешка миллионт трудящихъ максоъ 1-це ступенень ПВХО-нь норматненъ. Кеменьт тьожаньт общественник-инструкторхт аноклафт мекольденъ кафта кизотненъ пингста. Странасонк организовандафг ПВХО-нь лама клубт. Трудяень массатне пях оцю мьялса тонафнесазь противовоздушной химический оборонать основанзон. Но тя работать эряви коль сяда и сяда цебарьгофнемс.

Пях оцю интерес няфнихть советский од ломаньтне бронетанковай тевти. Лама комсомольский организациятненъ инициативасон коряс пуропневихть автобронетанковай клубт и учебнай пунктт. 1937-це кизоня ни тьожаньт од ломаньтне кармайхть тонафнема танканъ и танкетканъ вожденияти.

Казачьяй и степной районтненъ

эзга комсомолецненъ и од ломаньтненъ инициативасон коряс касы движения коннай спортть тонадоманц инкса. Эряви сяда цебарьста возглавить и организовадамс тя движения. Не может улемс ка зачьй районца секретарь, комсорг и комсомольский организациянь активист, конанъ афоль уль ба цебарь алашац и снаряженияц и конац афолезе сода ба цебарьста кавалерийский тевть.

1936-це кизоня Осоавиахимъ и комсомольский организациятне удолетворительнайста йотафтозъ допризывнай од ломаньтненъ тонафтомасон. Сембе сьяка ня сатфксненъ лагс аф эряви лотксемс. Нинге лама пях оцю задачат тя тевса ашихть комсомолъ инголе 1937-це кизоня.

Пях кельгонцазъ од ломаньтне военно-морской спортть. Военно-морской вийхне минь странасонк вишкста касыхть. Тяв шовор касы потребностъ кадратненди. Вов ни 15 кизот ленинский комсомолсь макси соньценъ подичефнай морской флотонцы инъ цебарь комсомолецт.

Ленинский комсомолсь—Рабоче-Крестьянский Якстерь Армиянь военно-морской и военно-воздушной вийхненъ шефсна. Сон честь марта пашкочесыне соньценъ шефский обязанностензон, эр кизоня комплектовандакшнесыне ВМС-нь ВВС-нь училищатненъ инъ цебарь комсомолецненъ марта, макси конкретнай лезкс подшефнай частьтненъ командованиясонды дисциплинаць кемекстамаса и личной составть культурнай обслуживаниянц цебарьгофнемаса.

Славяй Рабоче-Крестьянский Якстерь Армиять 19-це годовщинац праздновандамста ленинский комсомолсь сьавонди лагзонза обязательства сембе пингть кемекснемс славнай подшефникненъ марта соньценъ свянец и макссеме теест сембе ширьденъ лезкс сембе синь работасот.

Кашта рапортт

(ЭПИЗОД 1929-це КИЗОНЬ БОЙХНЕНЬ ЭЗДА)

Мольсь октябрь ковсь. Вестъ илять штабу сувась якстерьармеец и кармась кизефнеме:

—Д мезе тьяфта тиендеви?

—А мезе?—кортай теенза штабонь начальниксь.

—Да вов врачне кортайхть, што мон срядян...

—Коде тонъ фамилияце?

—Иванов.

Штабонь начальниксь кармась сьаволяма бумаганзон эса, конат ащестъ сонъ шранц лагса.

—Да, Иванов ялгай, тон срядят. Мон максонъ приказание, штоба тонъ афоледязъ сьавондья стройс, а бойть пингста тон илядат работама кухняв.

Тьяфта и лиссь. Ивановъ кадозъ Кухняв.

Мзярда макссть тревоганъ сигнал, Ивановсь стясь вастстонза и прась кяцгонза пеелись, кона марта сон ватксесь модамарьхть.

—Ков тон сркать?—кизефтезе сонъ поварсь.

—Сейчас саян, —васькафнесъ Ивановсь.

„Кадк мезе ули... А мон молян“, —арьсесь эсь пачканза сон.

Ся времать мзярда строявсь батальонцъ, Ивановсь наряжась и арась строить.

„Бойсь аделавсь. Батальонцъ сась меки эсь расположениязонза. Кухняста дежурнайсь макссь рапорт батальононъ командирти:

—Якстерьармеецъ Иванов ялгась улесь путф кухняв работама. Мзярда улесь максф тревоганъ сигнал, сон кадозе работанц и кати коза тусь. Коса сон—мон аф содаса. Мярьгсь, што курок саян, а сон васькафтоманъ, ащезъ са... Мон лувонца, што Ивановсь тисъ оцю преступления и сон эряви наказамс.

Батальоннай командирсь сьормадсь рапорт, коса улесь азф:

„Аф ваномок срядеманц лагс, Ивановсь тусь эсь ротанц марта. Бойть инъ критический минутастонза сон эсь смелостенц марта кепсезень сембень настроениясон. Мзярда улесь максф команда: „Вперед“—сембеда инголи стясь вастстонза“ и ласькозь тусь противникть каршес. Атакада инголе, аф ваномок сянъ лагс, што противниксь мольтфъ вишка пулеметнай стрельба, Ивановсь комоць пулеметнай толть лагс. Сонъ лагзонза ваномок сембе ротась тусь мельганза и тапазь противникть. Мон лувонца, што Ивановсь тийсь героический поступка, конанъ инкса сон заслуживает высшай революционной награда“—нят валхненъ марта батальоннай командирсь аделазе эсь рапортонц.

„Поварсь ламос Ивановъ марта ащезъ мирондакшне. Сон лувондозе Ивановъ „дезертиркс“. Но мзярда батальонса кулевсь, што Иванов ялгать правительствась казея высшай революционной награда—Якстерь Знамянь орденса—поварсь сембеда инголи ласьксъ Ивановти и ламос люпшнеше сонъ кяденц.

—Тон, брат, все-таки молодецат. А монъ лагзонз тят кирдя кяж... Мон ашина сода, што тон эста тушендотъ белокитаецненъ каршес тюрема. Мон арьсень, што тон ков-ков тутъ, а тон лисеть геройкс сембе Армияти“. Г-нов.

ОКДВА-ста якстерьармеецненъ сьорма

Арелясаськ социалистический подинанькенъ гоаницанзон

Нинги 1934 кизоня мон арьсекшненъ Якстерь Армияв доброволец тумать колга. Йотай кизоня ня арсематне йотафтовсть эряфс—монъ прьамазь особай Краснознаменной Дальневосточнай Якстерь Армияв.

Мон эсь службама пингстон, кода и монъ ялганевон, зоркайста вантама павазу родинанькенъ границанзон эса.

Японский фашистне шовайхть пейсон эса Дальний Востокъ лагс, но тя теест мзярдовок аф сатови. Дальний Востокъ границанза сьолкфт кемя замокса.

Улендихть случайхть, мзярда фашистский агентне ляцендихть минь пограничникенькенъ лагс, нарушандакшнесазь законть, лицендихть самолета границать омбо бокс, минь ширезнок, но минь теест макссетяма кемя отпор.

Наглай японский фашистне тяряфнихть варжамс эсь вийсон. Тьяфта синь тяряфнестъ варжамс вийсон йотай кизонь ноябрь ковть 26-це шистонза. Васенда минь пограничникенькенъ лагс кармась ляцендема 2-3 ломаньт, а сяда меле эвондась целай полк, конац йорась варжамода эсь виенц. Но минь пограничникне макссть теест кемя отпор. Полкть эзда синь лама крупнай офицерсон кадозъ минь модавенкенъ лагс, а илядыхне вор-

годсть, ильне кадозъ орудиясонга.

Тя бандитский-фашистский группась анычек минь дразнямазъ. Минь эздонок кажнайсь смелайста анокль максомс фашисттненди сокрушительнай отпор.

Тя фашистский бандать панемста, врагть пуляц нельгезе минь йоткстенок Лагода ялганекенъ.

Кельгема ялганьке Лагодасъ, конац ащезъ ингольденъ рядтненъ эса, пашкодезе эсь долгонц. Сон содазе, што ваны эсь павазу соци-

Гимнастический соревнованият

Февраль 15 шистонза аделавсть васенце гимнастический соревнованиятне, коса примастъ участие „Спартак“ обществанъ лучшей гимнастне и лучшей гимнастне школатненъ эзда.

Васенце вастть занязе „Спартак“ обществанъ лучшей гимнастсь Ефи-

алистический родинанц границанзон эса и танкса ащезе ужальде эсь эряфонца.

Эрь якстерьармеецъ содасы, што Армиясь службама пях оцю честь и танкса минь аноктама эрь минутане максомс сокрушительнай отпор фашистский бандиттненди. Родинакенъ инкса минь аф ужальдсаськ сембе вийнекенъ, а кда эрявксты и эряфонекенъ.

Якстерьармеецъ А. З. Егоров, Д. В. К.

—ооо—

19 ОД ПЛАНЕРИСТТ

Якстерь Армиять 19-це годовщинац Саранскяень аэроклубсь нолай васеньце ступенень ветековонъ планернай курсненъ эзда 19 планеристт, конат курсненъ аделазъ производстваста апак тушендт. Омбоце ступенень коновъ кувалмонъ планернай курсненъ йотамода меле планеристтне йотайхть самолет лагс.

К. Н. Мяковсь (пенькоджуто-

вай комбинатонъ монтер), Е. Д. Свешниковсь (идень технический станциянь инструкторсь), В. Е. Вешникинъ (КСХШ-нь студент), Н. С. Шаниковсь (рабфаконъ студент) и А. И. Савиновсь (Сарлепромстроень рабочай) васеньце ступенень планеризманъ курсненъ аделазъ отличнайста.

Филиппов.

М. Т.

ГРИГОРИЙ КОНСТАНТИНОВИЧ ОРДЖОНИКИДЗЕ

Социализматъ инкса выдающий борец

Оцюдонга оцю скорьбокс марьяви Серго Орджоникидзе ялгаты куломац сембе масторлангонь трудяйхненъ седиса, конатненъ воляс нолдамаснонды сон максозе сембе соньценъ валда йоненц, соньценъ пламенной седиец, соньценъ лаказь-лакай энергияц, сембе соньценъ революционеронь, боецонь и народнай массань вождень изумительнай эряфонц.

Тусь йоткстонец Ленинонь и Сталинонь славнай подвижнекса, синь инь вернай ялгасна, синь надежной соратниксна, конац паендаф синь мартоост кеменьть кизот марса работамаса, тюремаса, воляти и победати мильхненъ марта.

Серго Орджоникидзеть сембе эряфоц кеместа содонф рабочей движениять историйнц марта, большевиконь партиять историйнц марта, СССР-са Великой пролетарский революциять и социализмань тиемать историйнц марта. Сире большевистский гвардиянь мзярдонга аф мянцееви представителсь, сон марса Ленинонь и Сталинонь марта и синь руководстваснон ала оцю азоронь подпольянь вельф стака условиятненъ пингста строясь большевистский партиять эса. Марса Ленинонь и Сталинонь марта сон вьезень трудяень массатненъ большевиконь партиять марта во главе победати 1917-це кизонь Октябрыста. Марса Ленинонь и Сталинонь марта, кядень пецек Ворошиловонь и злодейский троцкистско-зиновьевский шайкачь марта шавф Кировть марта, гражданский войнань кизотненъ пингста сон,—пак цебарьста организовадакшесы ниньге аныцек пуропцневи Якстерь Армиять победанц интервенттненъ и белогвардийский полчищатненъ вийснон лангса. Ленинско-сталинский когорать йоткса сон—железней нарком, конац кирдысь лангсонза пак оцю сталма СССР-са социализмань тиемаса практический работать эса.

Куломась нельгозе минь рядонькень эзда мировой пролетариатть фкя инь цебарь ломаненц, выдающий пролетарский государственной деятель, ломаньть, конац пуроптозень эсь эсонза борец-коммунистонь инь ценнай качестватненъ, ся пингста, мзярда сонь нефтема энергияц, сонь аф обьичайнай способностенза, сонь пак оцю опытоц тяжкава эрявхить Советский Союзонь коммунистический партияти, социализмань странати и сембе международнай рабочей классти.

Серго Орджоникидзеть сембе эряфоц, сембе деятельностец кармайтть ащема кепедькокс сембе международнай рабочей движениань кадратненди. Ти замечательнай эряфть уроконзон лангса кармайтть тонафнема сембе странань рабочаень поколениатне, кода эряви эрямс, тюремс, машфнемс трудностьтненъ и сяськондемс.

Кулось социализматъ инкса человетсвать сембеда выдающий борецонзон эзда фкя борецсь.

Коммунистический Интернациональ Исполнительнай Комитетот сембе масторлангонь миллионт трудяйхненъ лемста азонцы соньценъ оцюдонга-оцю скорьбонц, кона тиевсь пак стака юмафтьксть марта, конань кирдесе ВКП(б)-сь, Советонь великай странать народонза и мировой пролетариатсь.

Коммунистический Интернациональ комафнесыне эсь боевой знамянзон тя великай революционерть, классовой врагть каршес тюремаса массатненъ образцовай большевистский руководителсьнон, социалистический индустриянь строяма фронтса и советский родинать сембе масторлангонь трудяйхненъ отечестваснон обороноспособностенц областса оцюдонга-оцю победатненъ организаторснон—минь кельгема и аф юкстави Сергоньконь светлай памятенц инголе.

Коммунистический Интернациональ Исполнительнай Комитетот.



Григорий Константинович Орджоникидзесь кулофста

ПРОЩАЙ ЯЛГАНЬКЕ И ДРУГОНЬКЕ

Оцю юмафкс кирды минь партианьке и сембе странаньке. Аф уди сяда тов мартонок минь Сергоньке.

Царизматъ каршес тюремаса передовой позициятненъ эса, пролетарский революциять победанц инкса бойхненъ эса, гражданский войнань фронттненъ эса ЦКК—РКИ-са руководителськ ащемстонза, тяжелой промышленностень армиянь командиркс ащемстонза—Серго Орджоникидзе ульсь неизменно выдающий руководителськ, победань организаторкс, видекокс большевикокс, ученикокс и помощниккокс Ленинонди-Сталинонди—ялгакс, конань кельгсы минь партианьке и странанькень сембе народоц.

Сонь преданностец партиять тевенцы—коммунизматъ тевенцы, сонь видешиц и простотац, сонь аф афсизефневи шиц работаса, сонь аф нурьхкалгафтови энергияц—тиезь сонь кепедькокс сявома востокс, образцокс, конанди кармайтть подлежать, конань эзда кармайтть тонафнема социализмань миллионт строителхть.

Кельгома Серго! Социализматъ победанзон эса, конатненъ марта гордится сембе минь странаньке, сят победатненъ эса, конатненъ кандсая тейнек грядущай бойхне—пак оцю тонь рольце, конань мзярдовок аф юкстасы минь странаньке.

Прощай минь ялганьке и другоньке, минь кельгема Сергоньке. ВКП(б)-нь ЦК-са Партийнай Контролень Комиссиясь Ежов, Яковлев, Шкирятов, Ярославский, Акулов, Куйбышев, Петерс, Сахарова, Сорокин, Гроссман, Ставский, Салтанов, Шабурова.

ТЯЖЕЛАЙ ПРОМЫШЛЕННОСТЕНЬ НАРОДНАИ КОМИССАРИАТТЬ ЭЗДА

Тяжелай Промышленностень Народнай Комиссариатсь оцю седириф марта азонды сянь колга, што 1937-це кизоня 18-це февралыста боевой постсонза кулось Тяжелай Промышленностень Народнай Комиссарсь Григорий Константинович Орджоникидзесь—Ленинонь—Сталинонь партиять фкя инь выдающий строителец, сонь вернай цюрац и боецон, пролетарский диктатурать бесстрашнай защитникоц, социалистический индустриянь кафта пятилеткатненъ победаснон организаторсна и вдохновительсна, стахановецненъ пламенной руководителсьна и инь цебарь другсна, конац максозе сембе эсь прекраснай эряфонц рабочей классти тевонцы.

Тяжелай промышленностень армиясь тийсы аф юкставикс соньценъ руководителенц и другонц образонц и нинге сяда теснайста пуропцыне рядонзон социализмань од победатненъ инкса.

Тяжелай Промышленностень Народнай Комиссариатсь.

Революциянь вийхненъ организаторсна

Аш кода азомс конашкава оцю утрата сатозе минь большевистский партианьконь, минь родинань конь и минь Рабоче-Крестьянский Якстерь Армияньконь. Кулось минь кельгема ялганьке и руководителеньке Григорий Константинович Орджоникидзесь.

Сембе эсь эряма кинц Орджоникидзе ялгась мольфтезе Ленинонь—Сталинонь знамяснон ала. Ицтай палец Серготь эряфонц йотась оцюазоронь тюремаса, ичкозденъ ссылкаса, баррикадаса. Мян куломозонза сон сембе эряфонц пингста ульсь преданнай

цюракс минь большевистский партианькенди.

Гражданский войнань кизотненъ пингста партиась доверял Орджоникидзе ялгати инь оцю и важнай участкат. Сьоксенда 1917 кизоня сон участвовандась Красновть,—Керенскийть бандаснон страфтомаса Петроградть ала. 1918 кизотъ ушедксстонза Сергось партиять марта ульсь кучф Украинав центральнай правительствати чрезвычайнай комиссаркс. Сонь упорнай, старательнай работанц вельде кемокставсь Украинать оборонац немецкий интервентненъ эзда, сон организовандась тоса советский власть и ладязе машинань транспортть роботанц.

Апрельста 1918 кизоня Серго Орджоникидзе партиять марта кучсеви чрезвычайнай комиссаркс Россиять южной палксозонза, коса организовандась армия и вьаться упорнай тюрема интервентненъ каршес. Тяка жа кизоня Деникинть ширьде кеподьсь угроза советский властть каршес Севернай Кавказса. Орджоникидзе ялгати ульсь мярьгф пуроптомс тоса оборонань комитет и арамс вятикс тя комитетса Терский областсь. Сон тьса пуроптозе регулярнай 11 Якстерь Армиять. Аф ваномок сянь лангс, што вийхне ульсь аф ровнайхть, Якстерь Армиянь частьтне ульсь керфт центратъ эзда, ашесть сатне боеприпасне, сембе сяка Сергось машть ванфтомс Якстерь Армиянь основной вийхненъ, конат сяда тов арасть фундаментоц Севернай Кавказть белогвардейский бандатненъ эзда освобожденнянцы.

Кизонда 1919 кизоня Орджоникидзе ялгати Сталин ялгась макссь поручения вьатемс руководства запалса 16-це Армиять лангса. Тьса Серготь руководстванц ала 16-це Армиясь панезень бело-польский войскактненъ. Сьоксенда 1919 кизоня, южной фронтса советский властть кемекстамодонза меле йотафневи фкя инь оцю участкв тяка жа фронту—14-це Армияв реввоенсоветонь членкс. Тьса сонь руководстванц ала ульсь страфтьк белаень добровольческий корпусь и тьянь марта ульсь путф ушедкс Деникинщинаць страфтоманцы.

1920-це кизотъ ушедксстонза Орджоникидзе ялгась путф кавказский фронтса революционный советонь председателськ. Сонь руководстванц ала кавказский фронтонь войскактне бакинский пролетариатть марта страфтозъ мусаватистонь властть.

Траурнай митинг

Февральть 19-це шистонза Саранскяень мокшэрзянь фельдшерско-акушерский школаса йотафть траурнай митинг, конац посвященной Серго Орджоникидзе ялгаты куломанцы.

300 студент и преподавателхть кулцондозь кулять Серготь пингта ингольденъ куломанц колга.

Митингсь примась резолюция, коса сьормадф, штоба кепедемс успеваемость и ст. тов.

И. Белов.

ГРИГОРИЙ КОНСТАНТИНОВИЧ ОРДЖОНИКИДЗЕ

ВКП(б)-нъ Московскый комитетъ эзда

Всесоюзный коммунистический (большевиковъ) партианъ Московскый областной и ошень комитетне пачфнихть оцю ризфса Мосхувонъ и Московскый областень коммунистненьди, рабочайхненьди, колхозникненьди и сембе трудяйхненьди оцю юмафксть колга, конац сатозе партиатъ, странатъ и марнек миронъ трудяйхнень.

Февральть 18-це шистонза кулось партиатъ и правительствать фкя инъ выдающай руководителец, ВКП(б)-нъ ЦК-ть Политбюронц членец, Тяжелай Промышленностень Народнай Комиссаръ Григорий Константинович Орджоникидзе ялгась.

Ленинскый гвардияста пламенный и непреклонный болшевикъ, партиатъ единстванц инкса неутомимый борецъ, Ленинъ и Сталинъ маластонъ соратниксна и учениксна, социалистический индустрианъ величайшай победатнень организаторсна Орджоникидзе ялгась максозе марнек эсь замечательнай и славнай эряфонц мекольденъ пингтти самс коммунизма инкса беззаветнай тюрематн.

Орджоникидзе ялгась ульсь последовательнай, кристально-чистой и непоколебимай большевиконъ — ленинцень примеркс и образецкс, конац палсь ненавистьса народъ и партиатъ врагонзонды.

Орджоникидзе ялгать колга валада памятьс, сонъ безграничнай преданностец Ленинъ—Сталинъ партианцты, минъ странасонк пролетарский революция инкса, социализманъ строителствать инкса сонъ бесстрашнай и неутомимай тюремац кепедьсыне сембе трудяйхнень мялснон коммунизманъ торжествать инкса дальнейшай тюремаса од подвигтненьди.

ВКП(б)-нъ Московскый областной и ошень комитетне.

ВКП(б)-нъ Ленинградскый областной и городской комитеттнень эзда

Ленинградскый большевикне, Ленинонъ ошень и Ленинградскый областень сембе трудяйхне марса сембе странатъ марта пяк оцю ризф маряйхть минъ партианекень выдающай деятеленц, ВКП(б)-нъ ЦК-нъ Политбюронъ членъ и СССР-нъ Тяжелай Промышленностень Народнай Комиссаръ Серго Орджоникидзе ялгать куломанц колга.

Лоткась шавомода бесстрашнай пролетарский революционеръ, социалистический революциянь великай вождтнень Ленинонъ—Сталинонъ инъ цебарь соратниксон эзда фкять, гражданскый войнанъ кизотнень эзда боевой руководителъ и полководецъ, социалистический строителстванъ победатнень неутомимай организаторсон седиенц.

Серго Орджоникидзе ялгась эсь прекраснай эряфонц максозе пролетарский революциянь тевти, социализма торжестванъ тевенцты. Сонъ эряфоц, сонъ тюремац, эсь партианцты, эсь народонцты сонъ беззаветнай преданностец,



Саранск ошень трудяйхне Орджоникидзе ялгать куломанц колга траурнай митингсот.

Саранскяень трудяйхнень траурнай митингсна

Февральть 21-це шистонза 4 частт 30 минутаста МАССР-нъ ЦИК-ть зданияц ваксса панжевсь саранскяень трудяйхнень траурнай митингсна, конац посвященнай Григорий Константинович Орджоникидзетъ куломанцты.

Митингса примаф резолюцияс сьормадф:

«Минъ Саранск ошень трудяйхне, марса минъ великай родинанъ кень сембе трудяензон марта седи ваксса ризнатама аф азовомшка юмафксть, инъ цебарь большевикъ, ВКП(б)-нъ ЦК-ть Политбюронц членонц, СССР-нъ ЦИК-ть членонц, Сталинъ боевой соратникенц, Тяжелай Промышленностень Народнай Комиссаръ Григорий Константинович Орджоникидзетъ пингта ингольденъ куломанц инкса.

пример партианъ эрь члентти, эрь трудяйти.

Серго Орджоникидзе ялгать образец кармай кепсест сембень минъ мялнекенъ коммунизма победанц инкса дальнейшай тюрематн.

Комафнемок минъ знаменанекень Серго Орджоникидзе ялгать лазксонзон ваксса нингя сйда тесна нгаста пуропцаскъ эсь ряднеконъ минъ партианекень ЦК-нц перьфка, партиатъ и СССР-нъ народтнень вождьсон—минъ Сталинонъ кень перьфка.

ВКП(б)-нъ Ленинградскый
областной и городской
комитетне.

Кулось Серго

Февральть 19-це шистонза Саранскяень 12-це № полнай средняй школаса йотафтф митинг, конац посвященнай Ленинонъ—Сталинонъ тевенц инкса стойкай борецъ, партиатъ вернай цьоранц, стойкай большевикъ Серго Орджоникидзетъ куломанцты.

Школьной митингса Великанов ялгась азондозе Серготъ эряманц и деятельностенц.

Лоткась шавомода кристально-чистой революционеръ, революциянь боевой вийхнень организаторсон, гражданскый войнанъ геройтъ, социализма инкса пламенный боецъ, Серго Орджоникидзетъ пламенный седиенц. Сембе эсь подленнай большевикенъ эряфонъ кинц Орджоникидзе ялгась йотазе Ленинонъ—Сталинонъ знамясон ала. Баррикадатнень, оязоронъ тюрематнень, и ичкозденъ ссылкатнень эса сон прокс ульсь большевистский партиатъ истиннай цьоракс.

Григорий Константинович Орджоникидзесъ сембе эсь эряфонц максозе рабочай классть тевенцты, трудяй ломаньтнень освобожденианъ тевсон инкса, оязоронъ самодержавия каршес тюремать инкса. Орджоникидзе ялгать образец иляды тейнек инъ цебарь примеркс странасонк коммунистический обществать строямаса.

Минъ рабочайхне, колхозникне, якстерьармеецне и саранскяень сембе трудяйхне минъ дорогой Сергонькень памятенц, сонъ боевой образонц, кода социалистический строителстванъ инъ цебарь организаторъ карматама ванфтомонза эсь седиенекень эса и станя жа, кода сон ульхтыма педа песвернайхть Ленинонъ—Сталинонъ тевсонды. Ульхтыма станя жа кодама ульсь Орджоникидзесъ непримеримайхть народъ врагонзонды кон рреволюционнай троцкизматн и правай отщепенецненьди. Нингя сйда теснаста пуроптама коммунистический партиатъ и минъ кельгема вожденькенъ Сталин ялгать перьф».

Аш стама валт, штоба азоместя оцю ризфть,—кортай Наумкина ученицасъ.

Сембе ученикне и преподавателхне глубоко скорбят Серготъ куломанц.

Ник. Морозов.

Отв. редакторъ С. ЛАРИОНОВ.

Уполномоч. главлито №Д—21. Заказ № 545. Тираж 2545.

Саранск типография „Красный Октябрь“ Мордгиза

ИСПАНИЯНЪ ФРОНТТНЕНЪ ЭСА

Центральнай фронтса.

Харама ляйтъ секторса февральть 18-це шистонза мятежникне тийсть вишка контратака. Мараньос велеть маласа, конанъ вельде йорастъ нельгомс холматнень, конатнень февральть 17-це шистонза иляденъ пяди занязъ правительственной войскактне. Правительственной войскактне отбили атакать и успешнайста кемексневихть мартоц сатф позициятнень лангса.

Шинь перьф мольсь бой Мората—Тахунья участать лангса. Правительственной войскактне тийсть мятежникненьди оцю потерят, фатясть пленнайхть, боевой припаст, и занязъ мятежникнень передовой позициясон.

Правительственной авиациясь успешнайста отражандакшнезенъ мятежниконъ авиациять боей районть бомбардировандаманцты тяряфнеманзон. Правительственной истребительхне прафтсть мятежникинъ 7 самолетт: 1 „Юнкерс“ бомбардировщик и 6 „Фиат“ истребительхть.

Кода азонцы Фабра агенствасъ, Миаха генеральс тийсь печатень представителхненьди заявлемия, конанъ эса азозе, што Харама ляйтъ секторса правительственной войскактнень наступлениясна макссыпак цебарь результатт, аф ваномок ся сопротивлениать лангс, конанъ тиендезе противникс. Миаха генеральс азозе, што мятежникине вестенгя ашестъ йотне валенсийский кить туркс.

Севернай фронтса

Бискайский фронтса Маркина секторса (Герникъ эзда юго-востокшири) правительственной гранатаметчикне сязезъ мятежникнень пораконъ складсон Каламуать маласа (Эйбратъ эзда сйда юго-востокшири). Ордуныя районца (Амурриотъ эзда сйда югшири) йотних ружейнай и пулеметнай ляцендема.

Астурийский фронтса Овиедорайонца—артиллерийский ляцендема.

Южнай фронтса

Мятежникнень авиациясна бомбардировандазе февральть 18-це шистонза Андухартъ (северо-востокшири Кардовать эзда). Шавф 20 и ранендафт 20 ломаньт. Шавфнень йоткса—лама авада и идтъ. Муфт аванъ ловажат, конатнень кяльсост идтъ. Калафтфт култ и хижнат окраинатнень эса. Кейпо де Льяно фашистский генеральс цинично азозе радио вельде Севильев бомбардировка колга, што тя „аф оцю подарка Андухареса монъ друзяненьди“.

Мятежникнень авиациять воздушнай налетонзон постояннай угрозасон лангс ванозъ, правительственной самолетонъ эскадрильясь арелякшнесы кить Моирильста Альмерияв, конанъ эзга шаштыхть беженецнень огромнай потоксна Малага районца.

Правительственной самолеттне подвергли бомбардировкас метежникинъ военнай складсон Сеутеса (Испанский Мароккось). Складтнень эса кепедьсть пожарт.